



Broj: 03-45-1-157/20
Datum: 19.01.2021.godine

OPĆINSKO VIJEĆE

PREDMET: Odluka o dodjeli poslovnih prostorija udruženjima građana na teritoriji općine Maglaj, dostavlja se,-

Članom 13. stav 2. alineja 5. Zakona o principima lokalne samouprave u Federaciji BiH („Službene novine FBiH“ broj 49/06, 51/09), kojim je regulisano da „Organ odlučivanja jedinice lokalne samouprave je općinsko vijeće u općini Vijeće u okviru svojih nadležnosti između ostalih nadležnosti,, neophodno je donijeti Odluke o upravljanju i raspolaganju imovinom jedinica lokalne samouprave“.

Takođe članom 18. stav 1. alineja 6. Statuta Općine Maglaj („Službene novine Općine Maglaj broj 8/07, 3/08 i 6/08), je utvrđeno da je Općinsko vijeće nadležno da: donosi odluke o upravljanju imovinom općine i odlučuje o njenom sticanju i raspolaganju“, dok je članom 41. stav 1. alineja 4. Statuta utvrđeno da „Općinski načelnik u obavljanju poslova iz samoupravnog djelokruga Općine, nadležan je da: ..-..predlaže odluke i druge opće akte vijeću“.. a članom 66. stav 2. Statuta je utvrđeno između ostalog da se u Službenim novinama Općine Maglaj, objavljuju akti raspolaganja općinskom imovinom...

Obzirom da Općina Maglaj ima poslovne prostorije, a koje su u vlasništvu Općine Maglaj, te obzirom na zahtjeve dostavljene od strane Udruženja građana i humanitarnih organizacija, kojim traže da im se dodjele poslovne prostorije na privremeno korištenje, na prijedlog Načelnika pripremljen je prijedlog Odluke o dodjeli poslovnih prostorija u vlasništvu Općine Maglaj udruženjima građana i humanitarnim organizacijama na privremeno korištenje.

U prijedlogu odluke je predviđeno da će se prostorije dodjeliti na privremeno korištenje putem javnog poziva a prema kriterijima koje će donijeti komisija koju imenuje Načelnik općine, i po kojima će se izvršiti dodjela poslovnih prostorija Udruženjima građana i humanitarnim organizacijama.

Zbog gore navedenog Služba je pripremila prijedlog Odluke i predlaže Općinskom vijeću da usvoji Prijedlog Odluke o dodjeli poslovnih prostorija u vlasništvu Općine Maglaj udruženjima građana i humanitarnih organizacija na području općine Maglaj na privremeno korištenje.

DOSTAVLJENO:
1. Naslovu,
2. a/a



NAČELNIK OPĆINE
Mirsad Mahmutagić



PRIJEDLOG

Na osnovu člana 13. stav 2. alineja 5. Zakona o principima lokalne samouprave u Federaciji BiH („Službene novine FBiH“, br. 49/06 i 51/09) i čl. 18. i 66. stav 2. Statuta Općine Maglaj („Službene novine Općine Maglaj“, br. 8/07, 3/08 i 6/08), a na prijedlog Načelnika općine, Općinsko vijeće Općine Maglaj na sjednici održanoj dana _____ 2021. godine d o n o s i

ODLUKU

**o dodjeli poslovnih prostorija u vlasništvu Općine Maglaj
udruženjima građana i humanitarnim organizacijama na privremeno korištenje**

I

Odobrava se dodjela poslovnih prostorija u vlasništvu Općine Maglaj na privremeno korištenje, bez naknade, udruženjima građana i humanitarnim organizacijama s područja općine Maglaj, u svrhu obavljanja njihovih djelatnosti.

II

Poslovne prostorije koje su predmet ove odluke su prostorije koje se nalaze u zgradi pored „Dječijeg vrtića“, zgradi bivšeg Štaba teritorijalne odbrane i zgradi u kojoj je smještena Profesionalna vatrogasna jedinica.

III

Daje se ovlaštenje Načelniku općine da objavi javni poziv za dodjelu poslovnih prostorija u vlasništvu Općine Maglaj udruženjima građana i humanitarnim organizacijama na privremeno korištenje, te da imenuje komisiju koja će utvrditi kriterije za dodjelu predmetnih poslovnih prostorija, provesti svu propisanu proceduru i utvrditi listu udruženja građana i humanitarnih organizacija za dodjelu poslovnih prostorija.

Po provedenom postupku, Načelnik općine će zaključiti ugovore sa predstavnicima izabраних udruženja građana i humanitarnih organizacija, u skladu sa listom koju utvrdi komisija.

IV

Za realizaciju ove odluke zadužuje se Načelnik općine.

V

Ova odluka stupa na snagu danom donošenja i ima se objaviti u „Službenim novinama općine Maglaj“.

Broj:
Datum:

PREDSJEDAVAJUĆA OV
Svjetlana Zamboni